

ოზურგეთის მუნიციპალიტეტი

ელექტრონული ტენდერის საშუალებით მერია-ლაითურის შემაერთებელ ადგილობრივი
მნიშვნელობის გზაზე, მდინარე ნატანებზე, სახიდე გადასასვლელის აშენების სამუშაოს
სახელმწიფო შესყიდვის

სატენდერო დოკუმენტაცია

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ები)ა.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრედენდენტს არა აქვს უფლება წარმოადგინოს ალტერნატიული წინადადება

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი ცნობები და დოკუმენტები:

2.1.1. იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიული პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია.

2.1.2. ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

ბ) ცნობა შესაბამისი უფლებამოსილი, ლიცენზირებული სამედიცინო დაწესებულებიდან, რომ მას მთლიანად ან ნაწილობრივ არ აქვს შეზღუდული ქმედითუნარიანობა.

2.1.3. როგორც იურიდიული, ასევე ფიზიკური პირებისათვის:

ა) რეკვიზიტები და სატენდერო წინადადების ფასი (დანართი №2);

ბ) ინფორმაციას ანალოგიური სამუშაოების შესრულების გამოცდილების შესახებ (დანართი №4); შემსრულებელს ბოლო 3 წლის განმავლობაში შესრულებული უნდა ჰქონდეს არანაკლებ 9 მილიონის ანალოგიური სამუშაო, მათ შორის სატენდერო დოკუმენტაციით მოთხოვნილი ან მეტი მოცულობის (ახალი ხიდის აშენება) ერთი სამუშაო მაინც. აღნიშნულის დასადასტურებლად პრეტენდენტმა სისტემაში უნდა ატვირთოს შესაბამისი სამუშაოების შესრულებაზე გაფორმებული მიღება ჩაბარების აქტები.

გ) ინფორმაცია პერსონალის კვალიფიკაციისა და გამოცდილების შესახებ (დანართი №5);

დ) ინფორმაცია მატერიალურ-ტექნიკური ბაზის შესახებ (დანართი №6);

ე) სამუშაოების შესრულების გეგმა-გრაფიკი.

ვ) ხარჯთაღრიცხვები

2.2 სატენდერო წინადადების ფასი არ უნდა აღემატებოდეს შესყიდვის სავარაუდო ღირებულებას ან უნდა იყოს შესყიდვის სავარაუდო ღირებულებაზე სულ მცირე ერთი ბიჯით ნაკლები. ტექნიკური დოკუმენტაციის ატვირთვისა და წინადადების ფასის მითითების შემდეგ, დაუშვებელია ატვირთული ტექნიკური დოკუმენტაციის სისტემის მეშვეობით შეცვლა, გაუქმება ან წაშლა.

2.3 წინადადებების წარმოდგენა შესაძლებელია მხოლოდ სისტემის მეშვეობით აფიდავიტის პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ. სატენდერო წინადადება ძალაშია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „რ“ „ს“ ან „ტ“ ქვეპუნქტებით გათვალისწინებული ეტაპის დადგომამდე.

3. ანგარიშსწორების პირობები:

3.1. სატენდერო წინადადებაში საერთო ფასი გამოსახული უნდა იყოს „დ.დ.გ.“-ს გარეშე.

3.2. სატენდერო წინადადების საერთო და ერთეულის ფასი წარმოდგენილი უნდა იყოს ლარებში, ანგარიშსწორება მოხდება უნაღდო ანგარიშსწორებით.

3.2 შესაბამის თანხაზე საბანკო გარანტიის წარმოდგენის შემთხვევაში განხორციელდება წინასწარი ანგარიშსწორება სახელშეკრულებო ღირებულების 30%-ის ფარგლებში.

3.3. ანგარიშსწორება განხორციელდება ეტაპობრივად წარმოდგენილი „ფორმა №2“-ისა და შესრულებული სამუშაოს აქტის საფუძველზე, რომელსაც ხელს აწერს დამკვეთის მიერ შექმნილი ინსპექტირების ჯგუფი.

3.4. შემსრულებელს ავანსად მიღებული თანხა დაუკავდება ეტაპობრივად-შესრულებული სამუშაოს შესაბამისად.

3.5. ტენდერში გამოყენებული იქნება სატენდერო წინადადების უზრუნველყოფის საბანკო გარანტია, რომელიც უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით და მოქმედების ვადა უნდა შეესაბამებოდეს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-16 მუხლის მე-2 პუნქტის მოთხოვნებს. გამოყენებული იქნება აგრეთვე, ხელშეკრულების შესრულების

უზრუნველყოფის გარანტიების მექანიზმი სახელშეკრულებო ღირებულების 5%-ის ოდენობით, (დანართი №3).

3.6. პრეტენდენტის მიერ სავარაუდო ღირებულებასთან შედარებით მინიმუმ 20%-იანი ფასდაკლების შემთხვევაში ხელშეკრულების შესრულების უზრუნველყოფის გარანტია განსაზღვრული იქნება სახელშეკრულებო ღირებულების 10%-ს ოდენობით.

3.7. ხელშეკრულების შესრულების უზრუნველყოფის გარანტიის ძალაში ყოფნის ვადა შესყიდვის ობიექტის მიწოდების ვადას უნდა აღემატებოდეს არანაკლებ 60 დღით. ტენდერში მონაწილეობის საფასური შეადგენს 50 ლარს.

3.8. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

3.9. ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო სახელშეკრულებო ღირებულების 0.1%-ის ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.

4. შესასრულებელი სამუშაო

4.1. ოზურგეთის მუნიციპალიტეტში მერია-ლაითურის შემაერთებელ გზაზე, მდინარე ნატანებზე, ახალი ხიდის აშენება.

შენიშვნა: შესასრულებელი სამუშაოს მოცულობა და ტექნიკური პირობები მოცემულია საპროექტო სახარჯთაღრიცხვო დოკუმენტაციაში.

5. ტექნიკური დავალება:

5.1. შესყიდვის ობიექტის ტექნიკური პარამეტრები და აღწერილობა მოცემულია თანდართულ საპროექტო სახარჯთაღრიცხვო დოკუმენტაციაში.

5.2. სამუშაოს შესრულებისას დაცული უნდა იყოს უსაფრთხოებისა და გარემოს დაცვის ნორმები.

5.3. სამუშაოების პარალელურად შემსრულებლის ძალებით და სახსრებით სამუშაო მოედანი პერიოდულად უნდა გათავისუფლდეს სამშენებლო ნაგვისაგან, ნარჩენი მასალებისაგან, დროებითი ნაგებობებისაგან და ა.შ.

6. მატერიალურ-ტექნიკური ბაზა

6.1. ინფორმაცია მატერიალურ-ტექნიკური აღჭურვილობის შესახებ, უნდა მოიცავდეს სამუშაოების ჩასატარებლად აუცილებელი ყველა საჭირო მექანიზმებისა და მოწყობილობების ჩამონათვალს და უნდა აიტვირთოს ერთიან ელექტრონულ სისტემაში,

6.2. აღნიშნული მატერიალურ-ტექნიკური აღჭურვილობის იჯარით სარგებლობის შემთხვევაში იჯარის დამადასტურებელი დოკუმენტები უნდა აიტვირთოს ერთიან ელექტრონულ სისტემაში ტექნიკურ დოკუმენტაციასთან ერთად.

7. მოთხოვნები პერსონალის კვალიფიკაციის და გამოცდილების შესახებ:

7.1. შემსრულებელს უნდა ყავდეს მინიმუმ 2 ინჟინერი სულ მცირე ხუთწლიანი ანალოგიური გამოცდილებით.

8. მიწოდების პირობები და ვადები:

- 8.1. სამუშაოს დასრულების შემდეგ მიღება განხორციელდება დამკვეთის მიერ შექმნილი ინსპექტირების ჯგუფის და შემსრულებლის უფლებამოსილი წარმომადგენლის თანდასწრებით, რაზედაც შედგება შესაბამისი აქტი, სამუშაოები შემოწმებული იქნება და თუ ისინი ჩაითვლება მისაღებად განხორციელდება საბოლოო გადახდა, ხარჯების 5%-ის დაკავებით.
- 8.2. სამუშაოების დასრულებიდან ერთი წლის შემდეგ თუ შესრულებული სამუშაოს ხარისხი ჩაითვლება დამაკმაყოფილებლად მხარეების თანდასწრებით განხორციელდება მათი საბოლოო მიღება, ხოლო შემსრულებელს აუნაზღაურდება დაკავებული თანხა.
- 8.3. თუ თანხის დაკავების პერიოდში დადგინდება, რომ შესრულებული სამუშაოების ხარისხი არ არის დამაკმაყოფილებელი შემსრულებელი ვალდებულია გამოასწოროს ნაკლოვანებები. თუ შემსრულებლის მიერ ეს ნაკლოვანებები არ იქნება აღმოფხვრილი დამკვეთის მიერ მითითებულ ვადებში, დაკავებული თანხა არ იქნება ანაზღაურებული და მიმართული იქნება აღნიშნული ნაკლოვანებების აღმოსაფხვრელად.
- 8.4. ობიექტის საბოლოო მიღების აქტს უნდა ერთვოდეს ერთვოდეს ლ. სამხარაულის სახელობის სასამართლო ექსპერტიზის ეროვნული ბიუროს დადებითი დასკვნა შესრულებული სამუშაოს ხარისხისა და მოცულობის საპროექტო დოკუმენტაციასთან შესაბამისობის შესახებ.
- 8.5. ექსპერტიზის ბიუროს დასკვნების ხარჯებს აანაზღაურებს შემსრულებელი.
- 8.6. სამუშაოს დასრულების ვადა განისაზღვრება ხელშეკრულების გაფორმებიდან 210 კალენდარული დღით.

□ პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.
ალტერნატიული წინადადება არ განიხილება.

ხელშეკრულება სახელმწიფო შესყიდვის შესახებ № (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. ოზურგეთი

----- 2013 წელი

ერთის მხრივ ოზურგეთის მუნიციპალიტეტი (შემდგომში „შემსყიდველი“), წარმოდგენილი საკრებულოს თავმჯდომარის ავთანდილ სურგულაძის სახით და მეორეს მხრივ -----
- (შემდგომში „მიმწოდებელი“), წარმოდგენილი ----- სახით, ვხელმძღვანელობთ რა საქართველოში მოქმედი კანონმდებლობით, შესყიდველის მიერ ჩატარებული ელექტრონული ტენდერის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. სამუშაოები ნაწილობრივი ან მთლიანი სამუშაოებისათვის და სამოქალაქო მშენებლობის სამუშაოები
CPV: კოდი 45221111

2. შესყიდვის ობიექტი

2.1. მერია-ლაითურის შემაერთებელ ადგილობრივი მნიშვნელობის გზაზე, მდინარე ნატანებზე, სახიდე გადასასვლელის მშენებლობა.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს ----- ლარს.

3.2. ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

4. შესყიდვის ობიექტის მიწოდების ვადები, ადგილი და პირობები

4.1. შესყიდვის ობიექტის მიწოდების საბოლოო ვადაა ხელშეკრულების გაფორმებიდან 210 კალენდარული დღე.

4.2. შესყიდვის ობიექტის მიწოდების ადგილია: ქ. ოზურგეთი.

4.3. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ. დამკვეთის მხრიდან მიღება-ჩაბარების აქტს ხელს აწერს დამკვეთის მიერ შექმნილი ინსპექტირების ჯგუფი

5. ხელშეკრულების მოქმედების ვადა

5.1 ხელშეკრულება ძალაშია მისი ხელმოწერის დღიდან შესყიდვის ობიექტის საბოლოო ჩაბარებამდე.

6. შესყიდვის ობიექტის მიღება-ჩაბარების წესი

6.1. სამუშაოს დამთავრების შემდეგ მიღება განხორციელდება დამკვეთის მიერ შექმნილი ინსპექტირების ჯგუფის და შემსრულებლის უფლებამოსილი წარმომადგენლის თანდასწრებით, რაზედაც შედგება შესაბამისი აქტი.

6.4. სამუშაოს დასრულების ვადა განისაზღვრება ხელშეკრულების გაფორმებიდან 210 კალენდარული დღით

7. შესყიდვის ობიექტის ხარისხი

7.1. შესყიდვის ობიექტის ხარისხის დასადასტურებლად მომწოდებელმა უნდა წარმოადგინოს საქართველოს მთავრობის მიერ დამტკიცებული ტარიფებით მომუშავე ექსპერტიზის ბიუროს დასკვნა შესრულებული სამუშაოს საპროექტო სახარჯთაღრიცხვო დოკუმენტაციასთან მიმართებაში შესაბამისობაზე. ექსპერტიზის ხარჯებს აანაზღაურებს „შემსრულებელი“.

7.2. საგარანტიო ვადა, რომლის განმავლობაშიაც შემსრულებელი ვალდებულია საკუთარი სახსრებით უზრუნველყოს გამოვლინებული დეფექტების აღმოფხვრა თუ იგი გამოწვეულია მასალების უხარისხობით ან უხარისხო მშენებლობით, შეადგენს 10 წელს.

8. ანგარიშსწორების ფორმა, გრაფიკი (ვადები)

8.1.. „მიმწოდებელთან“ ანგარიშსწორება განხორციელდება ლარში;

8.2.. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

8.3. შემსრულებლის მოთხოვნით დამკვეთი განხორციელებს წინასწარ ანგარიშსწორებას, სახელშეკრულებო ღირებულების 30%-ის ოდენობით, შესაბამის თანხაზე საბანკო დაწესებულების მიერ გაცემული საბანკო გარანტიის წარმოდგენის შემთხვევაში.

8.4. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული აქტის საფუძველზე. შესრულებული სამუშაოს აქტს ხელს აწერს შემსყიდველის მიერ შექმნილი ინსპექტირების ჯგუფი. შემსრულებელს ავანსად მიღებული თანხა დაექვითება ეტაპობრივად-შესრულებული სამუშაოს მიხედვით. საბოლოო ანგარიშსწორება მოხდება ხელშეკრულების მე-6 მუხლის 6.2. პუნქტის შესაბამისად.

9. მხარეთა უფლება-მოვალეობანი

9.1. „შემსყიდველი“ ვალდებულია:

- გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;
- აანაზღაუროს შესრულებული სამუშაოს ღირებულება ხელშეკრულების 8.4. პუნქტის შესაბამისად.

9.2. „შესყიდველს“ უფლება აქვს:

- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;
- საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

9.3. „მიმწოდებელი“ ვალდებულია:

- დაიცვას ხელშეკრულებით გათვალისწინებული ყველა პირობა;
- დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

9.4. „მიმწოდებელს“ უფლება აქვს:

- მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება ხელშეკრულებით გათვალისწინებული პირობებით.

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2 ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო სახელშეკრულებო ღირებულების 0.1%-ის ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 10%, „შემსყიდველს“ უფლება აქვს შეწყვიტოს ხელშეკრულება.

11. ხელშეკრულების შესრულების გარანტია

11.1 ხელშეკრულების შესრულების უზრუნველყოფის მიზნით მიმწოდებელი წარადგენს ხელშეკრულების შესრულების უზრუნველყოფის საბანკო გარანტიას ხელშეკრულების საერთო ღირებულების 5 %-ის ოდენობით. საბანკო გარანტია გაცემული უნდა იყოს საბანკო დაწესებულების მიერ.

11.2 ხელშეკრულების შესრულების უზრუნველყოფის საბანკო გარანტიის ძალაში ყოფნის ვადა შესყიდვის ობიექტის მიწოდების ვადას უნდა აღემატებოდეს არანაკლებ 60 დღით.

11.3. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზიანის ასანაზღაურებლად, რომელიც მიადგება „შემსყიდველს“ ან მესამე პირს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

11.4. „მიმწოდებელს“ გარანტია არ უბრუნდება თუ „მიმწოდებლის“ მიერ ნაკისრი ვალდებულებების შეუსრულებლობის ან არასრული შესრულების გამო, „შემსყიდველის“ ან მესამე პირის მიერ მიღებული ზარალი აღემატება გარანტიით წარმოდგენილ თანხას. ხოლო, თუ „შემსყიდველის“ ან მესამე პირის მიერ მიღებული ზიანი იქნება გარანტიით წარმოდგენილ თანხაზე ნაკლები, ამ შემთხვევაში მიყენებული ზიანი დაიფარება საგარანტიო თანხიდან, და გარანტია დაუბრუნდება „მიმწოდებელს“. იმ შემთხვევაში, თუ ხელშეკრულების მოქმედება შეწყდება „მიმწოდებლისაგან“ დამოუკიდებელი მიზეზებით, „შემსყიდველი“ უზრუნველყოფს გარანტიის დაუყოვნებლივ დაბრუნებას.

12. ხელშეკრულების პირობების გადასინჯვის შესაძლებლობა

12.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს

მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

12.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. ფორს-მაჟორი

14.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწეოს შესაბამისი დროით, გარემოებათა დასრულების შემდეგ.

14.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების პირობების შესრულების კონტროლი

16.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

16.2. ხელშეკრულების პირობების შესრულების კონტროლს შემსყიდველის მხრიდან განახორციელებს მუნიციპალიტეტის საკრებულოს თავმჯდომარის ბრძანებით შექმნილი ინსპექტირების ჯგუფი.

16.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

16.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

17. სხვა პირობები

17.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

17.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს

თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ, ითვლება ხელშეკრულების განუყოფელ ნაწილად და სავალდებულოა შესასრულებლად.

17.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

17.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

18. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. ოზურგეთი, კოსტავას №1. სატენდერო კომისიის წევრი, შესყიდვების სამსახურის უფროსი _ ამირან გირკელიძე. ტელ: 599 58 08 44.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემსმიერ წარმოდგენილი სატენდერო წინადადება შემუშავებულია კონკურენტისგანდამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
 - * უფლებამოსილი ვარ პრეტენდენტის მიერ, ხელი მოვაწერო ამ აფიდავითს დაწარვადგინო ეს სატენდერო წინადადება;
 - * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
 - * ჩემთვის ცნობილია რომ ტერმინი „კონკურენტი“ აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
 - * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - * სატენდერო წინადადების ფასი;
 - * სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - * სატენდერო წინადადების წარდგენა ან წარდგენისგან თავის შეკავება;
 - * ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
 - * შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
 - * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.
- გავცანი ამ აფიდავითს შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: -----

(შემსყიდველის დასახელება)

მხედველობაში ვიღებთ რა, რომ -----

(მიმწოდებლის დასახელება)

შემდგომში „მიმწოდებელმა“ ----- ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია. ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე -----

(თანხა ციფრებით) (თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)

ინფორმაცია განხორციელებული ანალოგიური სამუშაოების ჩატარების შესახებ

#	სამუშაოს დასახელება	შემსყიდველის დასახელება	სახელშეკრულებო ღირებულება	ფაქტიურად შესრულებული სამუშაოს ღირებულება	სამუშაოს შესრულების პერიოდი
1					
2					
	სულ				

ხელმოწერა: -----

ბ.ა.

ინფორმაცია ტენდერში მონაწილის პერსონალის კვალიფიკაციისა და გამოცდილების შესახებ

#	თანამდებობა	გვარი სახელი	დიპლომის მიღების ადგილი და თარიღი	დიპლომის #, ვის მიერ არის გაცემული	სპეციალობა დიპლომის მიხედვით	გამოცდილება (მიუთითეთ ობიექტი და/ან მუშაობის ადგილი, ვადები)
1.						
2.						
3.						
.						
.						
.						

ხელმოწერა: -----

ბ.ა.

ინფორმაცია სამუშაოს შესასრულებლად საჭირო მატერიალურ-ტექნიკური აღჭურვილობის შესახებ

№	დასახელება	აღწერა, მოდელო, მარკა	რაოდენობა	მდგომარეობა (ახალი, ნახმარი, ექსპლუატაციისთვის ვარგისი)	საკუთარი, იჯარით აღებული
1.					
2.					
3.					
.					
.					
.					

ხელმოწერა: -----

ბ.ა.